



Na osnovu člana 37. i 87., stav 2. Zakona o državnoj službi u Tuzlanskom kantonu ("Službene novine TK", br: 7/17, 10/17, 10/18 i 14/18), a na zahtjev Ministarstva za kulturu, sport i mlade Tuzlanskog kantona, Agencija za državnu službu Federacije BiH, objavljuje

**JAVNI KONKURS**  
**za popunu radnih mjesta državnih službenika**  
**u Ministarstvu za kulturu, sport i mlade Tuzlanskog kantona**

**4 / 542**

**Radna mjesta:**

- 01. Pomoćnik ministra za kulturu - 1 (jedan) izvršilac**
- 02. Stručni savjetnik za mlade - 1 (jedan) izvršilac**

**01. Opis poslova:** Rukovodi Odjeljenjem i odgovoran je za korištenje materijalnih i finansijskih sredstava i ljudskih potencijala u Odjeljenju; raspoređuje vršenje svih poslova iz nadležnosti Odjeljenja na službenike i/ili namještenike, vodeći računa o njihovoj ravnomjernoj opterećenosti; prati obavljanje poslova i osigurava blagovremeno, zakonito i pravilno vršenje svih poslova iz nadležnosti Odjeljenja; daje prijedloge, uputstva i pruža stručnu pomoć pri vršenju pojedinih poslova iz djelokruga rada Odjeljenja; po potrebi saraduje i usklađuje rad sa drugim pomoćnicima ministra i sekretarom radi blagovremenog, kvalitetnog i efikasnog izvršenja poslova Odjeljenja; priprema mišljenja i prijedloge u vezi sa donošenjem propisa iz svoje nadležnosti; na osnovu godišnjeg programa rada Ministarstva izrađuje tromjesečne planove rada za područje rada Odjeljenja; vrši najsloženije poslove iz djelokruga rada Odjeljenja; učestvuje u pripremi tekstova propisa i prati pravilnu primjenu zakona i drugih propisa u oblasti kulture; priprema odgovore na pitanja koji se odnose na oblast kulture po zahtjevu poslanika, skupštinskih komisija, Vlade Kantona i drugih pravnih i fizičkih lica; predlaže prioritete u rješavanju zahtjeva dostavljenih od strane ustanova i drugih pravnih i fizičkih lica iz oblasti kulture; sačinjava i podnosi Ministru tromjesečni izvještaj o izvršavanju plana rada za proteklo tromjesečje i godišnji izvještaj o radu Odjeljenja; redovno upoznaje Ministra o stanju i problemima u oblasti kulture i predlaže poduzimanje potrebnih mjera; učestvuje u radu Stručnog kolegija; predlaže ocjenu državnih službenika i namještenika kojima je neposredno nadređen; učestvuje u radu stručnih komisija ili radnih grupa na državnom, federalnom i međukantonalnom nivou na planu vezano za oblast kulture; radi na svom stručnom usavršavanju; obavlja i druge poslove po nalogu Ministra i odlučuje o pitanjima za koje je ovlašten posebnim rješenjem Ministra; za svoj rad i upravljanje neposredno odgovara Ministru.

**02. Opis poslova:** Učestvuje u pripremi prijedloga godišnjeg programa rada i izradi periodičnih planova rada za mlade; ostvaruje saradnju i usklađuje aktivnosti sa omladinskim sektorom i omladinskim udruženjima na istraživanju o potrebama i problemima mladih; vodi evidenciju o udruženjima i drugim vidovima udruživanja

mladih; u izvršavanju poslova svog radnog mjesta saraduje sa drugim službenicima Odjeljenja i sekretarom Ministarstva, radi blagovremenog, kvalitetnog i efikasnog izvršenja poslova za područje svoga rada; učestvuje u pripremama nacrtu propisa vezano za mlade; prati primjenu zakona i drugih propisa vezano za mlade; vrši prikupljanje podataka za izradu godišnjeg programa rada i budžeta Ministarstva vezano za mlade; učestvuje u izradi prijedloga, raznih izvještaja, informacija i drugih stručnih i analitičkih materijala kojima se vrši informisanje nadležnih organa i institucija o stanju i problemima vezano za mlade; vrši konsultovanje i informisanje mladih o projektima i programima za mlade, kao i o aktivnostima i načinu realizacije istih; priprema odgovore na poslanička pitanja; radi na svom stručnom usavršavanju; vrši i druge poslove vezano za mlade po nalogu pomoćnika ministra za sport i mlade i Ministra; za svoj rad neposredno odgovara pomoćniku ministra za sport i mlade.

Kandidati moraju ispunjavati opće uvjete iz člana 38. Zakona o državnoj službi u Tuzlanskom kantonu i to:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
4. da je zdravstveno sposobno za obavljanje poslova predviđenih za to radno mjesto;
5. da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX 1. Ustava Bosne i Hercegovine.

Pored općih uvjeta kandidati moraju ispunjavati i posebne uvjete propisane Pravilnikom o unutrašnjoj organizaciji i to:

#### **Za poziciju 01:**

- Visoka stručna sprema - VII stepen, odnosno visoko obrazovanje najmanje prvog ciklusa Bolonjskog sistema studiranja, koji se vrednuje sa najmanje 240 ECTS bodova-društvenih nauka,
- najmanje 5 (pet) godina radnog staža u struci, nakon završene visoke stručne spreme.

#### **Za poziciju 02:**

- Visoka stručna sprema - VII stepen, odnosno visoko obrazovanje najmanje prvog ciklusa Bolonjskog sistema studiranja, koji se vrednuje sa najmanje 240 ECTS bodova-društvenih nauka,
- najmanje 3 (tri) godine radnog staža u struci, nakon završene visoke stručne spreme.

#### **Prijavljivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama

Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije [www.adsfbih.gov.ba](http://www.adsfbih.gov.ba)).

2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Odjeljenja Agencije za Tuzlanski i Posavski kanton, Trg Slobode bb, 75000 Tuzla ili na web stranici Agencije [www.adsfbih.gov.ba](http://www.adsfbih.gov.ba)).

#### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa. Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva. Kandidati u javnom konkursu moraju ispunjavati uvjete javnog konkursa sa danom njegove objave, u „Službenim novinama Federacije BiH“ neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH“, putem pošte, preporučeno na adresu:

**Agencija za državnu službu Federacije BiH  
Odjeljenje Agencije za Tuzlanski i Posavski kanton  
Trg Slobode bb, 75 000 Tuzla**

**sa naznakom:**

**“Javni konkurs za popunu radnih mjesta državnih službenika u Ministarstvu za kulturu, sport i mlade Tuzlanskog kantona sa pozivom na broj: 4/542”**

**DIREKTOR**

**Refik Begić, magistar uprave**